



Asii Chemnitz Narup  
Inatsisartunut ilaasortaq, Inuit Ataqatigiit

### § 37 naapertorlugu apeqqummut nr. 163/2022-mut akissuteqaat – oqaatsit pillugit politikkimut tunngasoq

31-08-2022  
Sagsnr.  
Akt nr. 20942168

Asasara Asii Chemnitz Narup

Inatsisartut suleriaasiat naapertorlugu apeqquinnut qujanaq. Apeqquutigineqartut tullinnguuttuni akissuteqarfigissavakka.

Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

**Apeqqut 1:** *Oqaatsinut politikki pillugu Inatsisartut inatsisaat nr. 7, 19. maj 2010-meersoq, § 6 imm. 1 tunngavigalugu, naalakkersuisut pisussaapput inatsip malinneqarnera nakkutigissallugu. Qanoq/periutsist suut atorlugit nakkutillineq ingerlanneqartarpa?*

#### **Akissut:**

Oqaatsinut politikki pillugu Inatsisartut inatsisaat nr. 7, 19. maj 2010-meersumi § 4 naapertorlugu namminersorlutik ingerlatsisut, pisortat ingerlatsivii pisortatullu oqartussaasut § 6, imm. 2 malillugu nakkutillisoqarfimmit qinnuiginnittoqareerneratigut suliffeqarfiup, oqartussaasut sullissiveqarfiulluunniit oqaatsinut politikianik nassiussisussaapput aamma § 4, imm. 3-mi oqaloqatigiinnerit pineqartut pisimanerat uppersartussaallugit. Nakkutillisoqarfik namminersorlutik ingerlatsisut, pisortat ingerlatsivii pisortatullu oqartussaasut § 4-mi taaneqartuni aamma paasissutissanik nakkutillissusaatitaanerup isumagineqarnissaanut pisariaqartunik pissarsinnaapput.

§ 8 naapertorlugu oqaatsinut politikkiortoqarsimanginnera pillugu naammagittaalliuutit, § 4, imm. 1 naapertorlugu oqaatsinut politikkiorsimanginneq, kiisalu § 4, imm. 2-mi taaneqartut oqaloqatigiissimanginneq nakkutillisoqarfimmut tunniunneqarsinnaapput.

Inatsisartut inatsisaat pillugu suliassat tunniunneqartut annertussusiat naapertorlugu nakkutillisoqassaaq. Tamanna pillugu ukiuni kingullerni tallimani suliassanik tunniussisoqarsimangilaq.

2011-mi suliffeqarfiit oqaatsit pillugit politikki nassiunneqarsimasut eqikkarlugit Naalakkersuisut Inatsisartunut ilisimatitsissusiorput. Suliffeqarfiit oqaatsit pillugit politikkiinik pissarsiat nakkutillisoqarfimmit qinnuiginnittoqarneratigut nassiunneqarput.

Tamatuma saniatigut nakkutillisuut nakkutillisuususaatitaanermi suliassamik ilisimasalimmik aggersaanissaminnut periarfissaqarput. Apeqquummik immikkut ittumik ilisimasariaqakkamut aamma suliassaqarfimmi ilisimaqqissaartariaqakkamik takkuttoqaralarpat nakkutillisuut tamanna pillugu eqqartuinissamut suliassamik ilisimasalimmik aggersaasinnaapput. Periarfissaq tamanna suli atorneqarsimangilaq.

**Apeqqut 2:** *Ataatsimut isigalugu inatsimmilu siunertarineqartoq eqqarsaatigalugu misilittagarilikkat suut Ilisimalikkallu suut nakkutilliisarnikkut paasisimaneqalerpat?*

**Akissut:**

Nakkutilliisoqarfik naammagittaalliutininik tigusaqarsimannginnera, pissutsinut naammagittaalliutigineqarsinnaasunut tunngatillugu, Inatsisartut inatsisaannik malinninnertut oqaatigineqartariaqarpoq.

Oqaatsit pillugit politikkip ataatsimut isigalugu nalinginnaasumik oqallisigineqarnissaa aammalu ataatsimut isigalugu kalaallit oqaasiinik atuinitsinni sumiinnerput pillugu oqaloqatigiissutigineqartariaqartut Naalakkersuisut nalilerpaat.

Tamanna tunngavigalugu 2022-mi aamma 2023-mi oqaatsit pillugit isumasioqatigiinnissanut Aningaasanut inatsimmi aningaasanik immikkoortitsisoqarsimavoq. Akissut 4 aamma takuuk.

**Apeqqut 3:** *Ilisimalikkat taakku naalakkersuisut qanoq nalilerpaat? Naammaginarpat?*

**Akissut:**

Apeqqummut 2-mut akissut takuuk.

**Apeqqut 4:** *Kalaallisut oqaatsitta nukittorsarnissaannut suliniutissat nutaat qanoq ittut Naalakkersuisut pilersaarutigaat?*

**Akissut:**

Kalaallit oqaasii pillugit Nuummi 12.-13. oktober 2022-mi uku sammisaralugit isumasioqatigiittoqassasoq Naalakkersuisut pilersaarutigaat: "Oqaatsitta ineriartortinneqarneranni ilisimatusaatigineqarnerannilu anguniakkat najoqqutallu" Oqaatsit pillugit isumasioqatigiinnissaq Oqaasileriffik qanimut suleqatigalugu pilersaarusiorneqarpoq.

Siunertaavoq kalaallit oqaasiisa ilisimatusarfigalugillu nalilersuiffigineqartarnerisa siunissami timitalimmik iluaqutaasumillu kinguneqartinneqartarnissaat anguniarlugu aqqutissat assigiinngitsut eqqartorneqarlutillu innersuussuteqarfigineqarnissaat.

Isumasioqatigiinneq ataatsimeersuarnermik 2023-mi upernaakkut pisussatut pilersaarutigineqartumik ataatsimeersuarnermik malitseqartinneqassaaq. Ataatsimeersuarnermi qulequtaasussaq tassaassaaq: "Oqaatsitta atugaaneranni ilinniartitsissutaanerannilu anguniakkat najoqqutallu".

2022-mi oktoberimi isumasioqatigiinnermi oqaatsinik ineriartortitsineq ilisimatusarnerlu sammineqarnerusussaammata peqataasussat killeqartinneqassapput pineqartunut susassaqarnerusunut. Akerlianik kingusinnerusukkut 2023-mi upernaakkut isumasioqatigiinnerup malitsigisassaani ataatsimeersuarnermi oqaatsit atugaanerannik ilinniartitsissutaanerannillu eqqartuisoqassaaq, taamaattumillu peqataasussat siammassinnerusumeersut amerlanerusullu peqataatinneqarnissaat naatsorsuutigineqarpoq.

Tamatuma saniatigut Ilinniartitaanermut, Kultureqarnermut, Timersornermut  
Ilageeqarnermullu Naalackersuisoqarfimmi inatsisit pillugit pilersaarutaanni oqaatsit  
pillugit inatsimmik nutarterinissaq ilanngunneqarnikuuvoq.

Inussiarnersumik inuulluaqqusillunga



Peter Olsen